

Gì da tractar 2017 dapli recurs

Autorità da recurs independenta davart radio e televisiun

■ (cp) L'onn 2017 è vegnids inoltrads a l'Autorità da recurs independenta davart radio e televisiun 31 recurs – tants sco anc mai dapi 1991. S'augmentà significantamain è il dumber da recurs cunter publicaziuns online. Dals recurs tractads l'onn passà ha l'autorità approvà dus. L'autorità da recurs ha publictà ses rapport da gestiun per 2017. Avant aveva ella al sutta mess sco prescrit al cussegl federal. En tut èn 31 novs recurs vegnids inoltrads 2017 a l'autorità da recurs, 12 dapli che l'onn avant. Ils posts da mediaziun, sutta mess a l'autorità da recurs, han registrà cun 881 reclamaziuns in nov record. Sulet trais ed in mez pertschient da quellas èn vegnids tar l'autorità da recurs. Quai mussa la muntada dals posts da mediaziun che na pon betg decider, mabain sulet intermediar tranter ils pertschients.

Critigà il pli savens la televisiun

Tut ils recurs inoltrads èn sa drizzads – cun ina suletta excepziun – cunter publicaziuns da la SSR. Objects da recurs eran numnadamain emissiuns ed autras pu-

blicaziuns da la Televisiun SRF (17), SRF online (6), Radio SRF (4) sco da la Televisiun RSI, RSI online e Radio Rumantsch. Plinavant è vegnida critigada ina contribuziun da Tele Züri, era vegnida emessa sin Tele Bärn e Tele M1. 28 dals 31 novs cas pertutgavan publicaziuns tudestgas e duas talianas.

Per l'emprima giada dapi 2002 ha i dà tar l'autorità in recurs cunter ina emissiun rumantscha. Crudada en egl è era la gronda cumpart da publicaziuns online. Era sch'ins po recurrer pir davent da mez 2016 cunter publicaziuns online èn gia entrads cunter contribuziuns correspundentas dapli recurs (7) che tals dad emissiuns da radio (5). Il pli savens è la televisiun vegnida critigada (19).

Gronda influenza sin l'actività da l'autorità da recurs ha la discussiun davart l'emissiun «Arena» a la Televisiun SRF dals 24 da favrer 2017 gi cun il titel: «Trumps Krieg gegen die Medien». Be cunter questa emissiun ha i dà otg recurs. Materialmain ha l'autorità refusà ils recurs piz a cup cun la vusch da tagl da la vicepresidente. Problematic è stà co il



moderatur e la redacziun èn ids enturn en l'emissiun cun in giast, e lez cun tematisar sasez, la finala dentant uschia ch'igl era tuttina transparent per il public.

Recurs approvads

Tar dus tals recurs tractads ha l'autorità constatà ina violaziun. Uschia ha ella approvà in recurs cunter il video «Putin macht den Cowboy», stà da vesair sin la pagina da facebook dad SRF News. Il public n'ha betg pudì furmar in'atgna opiniun, siond che fatgs essenzials davart in'acziun da salvar chavals n'èn betg vegnids menziunads, uschia ch'il president russ Putin è vegnì critigà pauschalmain e nunacceptablmain pervia da sia politica en Siria.

Er ina contribuziun en l'emissiun «HeuteMorgen» al Radio SRF davart l'avegnir da l'energia ha l'autorità taxà sco na cumpatibla cun in princip d'informaziun tras radio-diffusiun. Quella contribuziun è vegnida emessa 19 dis avant la votaziun federala davart la lescha d'energia. Talas emissiuns pretendan fitg gronda precauziun schurnalistica per garantir las medemas schanzas a las cuntrapartidas. La contribuziun n'ha betg correspundì a quellas determinaziuns. Uschia ha ina redactura constatà faussamain e partischantamain che la pps n'ha-

ja segir betg gì raschun cun sias calculaziuns dals custs. Perquai ha l'autorità approvà il recurs da la pps.

Cumissiuon extraparlamentara – procedura gratuita

L'autorità da recurs è ina cumissiuon extraparlamentara da la confederaziun. Ella consista da nov commembers en uffizi accessori e vegn presidiada da l'advocat Vincent Augustin. L'autorità ha da constatar tar recurs inoltrads schebain ils cuntregns da las emissiuns televisivas e radiofonicas da realisatur svizzers sco da l'ulteriura purschida publicistica da la SSR hajan violà determinaziuns dal program (per sumeglia: cumond d'esser objectiv e multifar, protecziun da minorens ed observar il dretgs fundamentals). Era da giudigar ha ella schebain ins ha refusà cunter dretg l'access al program u ad autras publicaziuns.

Las tractativas da l'autorità èn da princip publicas e la procedura da recurs gratuita. Las decisiuns da l'autorità da recurs pon vegnir tratgas vinavant al tribunal federal.